

ACTA Nº 2022/4

SESIÓN ORDINARIA DO PLENO DA CORPORACIÓN

PRESIDE:

JUAN MANUEL SABORIDO RAMA

ASISTEN:

PSOE

MARÍA MERCEDES NOCEDA GÓMEZ

SANDRA FERNÁNDEZ SIABA

JOSÉ MANUEL GONZÁLEZ REY

PP

AGUSTÍN MANUEL GONZÁLEZ DOSIL

JOSÉ ELISARDO GARCÍA LAGO

PEDRO LADO RIVEIRO

BNG

MARÍA BELÉN CAMPOS DÍAZ

MARÍA PILAR TUBÍO LARIÑO

MANUEL MÁXIMO SOUTO BARREIRO

AUSENTE

CÁNDIDO JUSTO FIGUEIRA LESTÓN

SECRETARIO

JOSÉ LUIS VEIGA SIERRA

No Salón de sesións da Casa do Concello de Carnota, ás 20:00 horas do día 25 de agosto de 2022, baixo a presidencia do alcalde, reúnenos os concelleiros e concelleiras que se indican, coa asistencia do secretario que subscribe, co obxecto de celebrar a Sesión Ordinaria do Pleno da Corporación, conforme ao réxime de sesións acordado polo Pleno en cumprimento do establecido no artigo 46.1 da Lei 7/1985, LBRL. Correspondía a celebración de sesión ordinaria o último xoves do mes de xullo, e por acordo dos grupos políticos acordouse trasladar a data de celebración ao 25 de agosto, mantendo o carácter ordinario

Comprobada a existencia de quórum suficiente e o cumprimento dos demais requisitos formais legalmente esixidos para a válida celebración do acto, o Presidente declara aberta a sesión, procedéndose a tratar os diversos asuntos incluídos na orde do día que se incluíron na convocatoria.

I. PARTE RESOLUTIVA

1. Aprobación, se procede, da Acta da sesión anterior.

De acordo co previsto no artigo 91 do Real Decreto 2568/1986, ROF, pregunta o presidente se algún membro da Corporación desexa facer algunha observación con respecto á acta da sesión anterior (n.º 2022/3 do 01/07/2022) que se entregou coa convocatoria.

Non se realizan observacións, polo que se considera aprobada a Acta por unanimidade.

2. Festivos locais 2023

Pola Alcaldía infórmase ao Pleno da Corporación da seguinte proposta:

En cumprimento das instrucións recibidas da Subdirección Xeral de Relacións Laborais, a Consellería de Promoción do Emprego e Igualdade (SMAC A Coruña) comunica ao Concello o calendario laboral para o ano 2023, en canto ás festas laborais na Comunidade Autónoma de Galicia e as festas de ámbito estatal que se prevén.

Co obxecto de determinar os dous días de festa de carácter retribuído e non recuperable deste termo municipal para o vindeiro ano 2023, segundo establecen os artigos 37.2 do Estatuto dos traballadores e o 46 do Real decreto 2001/1983, de 28 de xullo, a vista do exposto O PLENO DA CORPORACIÓN adopta o seguinte ACORDO:

1.- Aprobar os seguintes días como festas locais de Carnota para o 2023:

- . **10 de abril de 2023 (luns).**
- . **13 de outubro de 2023 (venres).**

2.- Dar conta deste acordo á Xefatura Territorial da Consellería de Promoción do Emprego e Igualdade para a súa publica constancia.

Na quenda de intervencións a concelleira do BNG, Belén Campos, explica que o seu grupo considera que os festivos locais deben favorecer a todos os traballadores do Concello de Carnota, non só para o desfrute dos funcionarios. Opina que o martes de Entroido, para o seu entender, debería ser festivo local. Así mesmo, anuncia a abstención do seu grupo. Tamén fai alusión a que recibiu algunha queixa de autónomos do Concello.

A presidencia acláralle que os festivos locais son para o desfrute de todos os traballadores do municipio.

Os concelleiros debaten sobre a conveniencia de seren noutras datas.

Non habendo máis intervencións, polo Presidente sométese a proposta a votación, co seguinte resultado:

Votos a favor: 7 (4 do grupo do PsdeG-PSOE, 3 do grupo PP)

Votos en contra: 0

Abstencións: 3 do grupo BNG

Consecuentemente o presidente declara aprobada a proposta.

3. Aprobación do Plan Provincial de Cooperación ás obras e servizos de competencia municipal . Adicional 2/2022

Pola alcaldía infórmase ao pleno da Corporación da seguinte proposta:

ANTECEDENTES

O pleno da Deputación con data 27 de maio de 2022, aprobou a modificación das bases reguladoras do plan provincial de cooperación ás obras e servizos de competencia municipal (Plan único de concellos) "POS+2022" para regular o POS+Adicional 2/2022, para o financiamento dos gastos correntes dos concellos do exercicio 2022 e/ou de investimentos financeiramente sostibles e/ou da revisión excepcional de prezos nos contratos públicos de obras municipais, como medida extraordinaria adoptada para axudar aos concellos a facer fronte á crise socioeconómica derivada da persistencia da pandemia motivada pola COVID-19, e da guerra de Ucraia, coa conseguinte alza de prezos de determinados bens e servizos

que repercute directamente nun incremento do custo da prestación dos servizos municipais obrigatorios, así como da execución das obras públicas contratadas polos concellos.

O texto íntegro das bases modificadas figura na páxina web da deputación provincial e publicadas no bop número 102 do 31 de maio de 2022.

O importe da achega provincial asignada a este concello é de 311.252,53€
De conformidade coas bases da convocatoria, na 1ª fase incluíronse os investimentos financeiramente sostíbles xa incluídos no Plan Complementaria ao POS+2022, cuxa documentación xa foi presentada no seu momento polo concello, confirmándose a súa inclusión definitiva no POS+Adicional 2/2022 dos seguintes proxectos:

Actuación	Importe
Rúa en Maceiras	74.140,11
Novos vestiarios no campo de fútbol de Lombáns.Carnota	75.105,28
TOTAL	149.245,39

Considerando que para a segunda fase do POS+ADICIONAL 2/2022, restan un total de 162.007,14€, propoño ao pleno da Corporación a adopción do ACORDO:

1.- Participar no Plan provincial de cooperación ás obras e servizos de competencia municipal (Plan único de concellos) **“POS+ ADICIONAL 2/2022”** da Deputación Provincial da Coruña, cuxas Bases se coñecen e aceptan na súa totalidade, e solicitar a aplicación da achega provincial asignada aos obxectos que se indican a continuación:

A) Financiamento de gastos correntes:

Gastos correntes	Deputación
Achega provincial aplicada ao financiamento de gastos correntes devengados en 2022	63.922,98

B) Financiamento de investimentos financeiramente sostíbles:

Investimentos financeiramente sostíbles SI incluídos no Plan Complementario ao POS+ 2022	Financiamento dos investimentos				
	Deputación	Concello			Orzamento total
		Achega municipal	IVE soporta do deducibl e	Total concello	
TOTAL	-----	-----	-----	-----	-----

Investimentos financeiramente sostíbles NON incluídos no Plan Complementario ao POS+ 2022	Financiamento dos investimentos				
	Deputación	Concello			Orzamento total
		Achega municipal	IVE soporta do	Total concello	

			deducible		
Mellora da seguridade viaria en o Pindo.Carnota. Fase 1	98.084,16	0	0	0	98.084,16
TOTAL	98.084,16	0	0	0	98.084,16

Aprobar os proxectos das obras ou os pregos das subministracións que non estaban incluídos no Plan Complementario ao POS+ 2022 e que se relacionan nesta táboa.

C) Financiamento da revisión excepcional de prezos:

Revisión excepcional de prezos	Deputación
Achega provincial aplicada ao financiamento da revisión excepcional de prezos dos contratos públicos de obras municipais	dos-----

D) Resumo de financiamento:

POS+ ADICIONAL 2/2022	Deputación	Concello			Orzamento Total
		Concello	IVE Soportado deducible (só abastece m. auga potable)	Total concello	
Gastos correntes servizos obrigatorios	63.922,98				63.922,98
Investimentos incluídos no Plan Complementario ao POS+ 2022	----	----	----	----	----
Investimentos novos non incluídos no Plan Complementario ao POS+ 2022	98.084,16	0	0	0	98.084,16
Revisión excepcional de prezos obras municipais	----				----
TOTAL	162.007,14	0	0	0	162.007,14

2.- Declarar que o concello ten a dispoñibilidade dos terreos, augas e servidumes para a execución dos investimentos, e que ten resolto todo o relacionado coas concesións e autorizacións administrativas que legalmente sexan necesarias.

3.- Comprometerse o concello a incluír no orzamento municipal do 2022 os fondos necesarios para facer fronte á achega municipal dos investimentos incluídos na anualidade do 2022, se a houbera.

4.- Solicitar da Deputación Provincial da Coruña a delegación neste concello da contratación e execución das obras ou subministracións incluídas no Plan, que se entenderá aceptada si esta se produce efectivamente.

5.- Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.

6.- Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

7.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente.

Na quenda de intervencións a concelleira do BNG, Belén Campos, mostra a conformidade do seu partido coa execución das obras, pero o descontento por non seren consensuadas coa oposición.

A presidencia indica que a problemática da saída do Pindo xa é un tema tratado. Aclara que existen dúas solucións. A primeira sería executar o proxecto do paseo marítimo voadizo, tema tratado coa delegada territorial, quen lle explicou que estaba pendente no Ministerio para a Transición Ecolóxica. Sinala que a outra opción, é a de realizar unha beirarrúa de 1m. de ancho, por ser o espazo moi xusto, e sen bordos, ata a última vivenda do Pindo. Mantén que era necesaria e urxente levar a cabo esta actuación para incrementar a seguridade viaria nese trazado.

A concelleira do BNG, María Pilar Tubío, dubida se ese sistema mellora a seguridade viaria, xa que os vehículos teñen máis fácil invadir a zona peonil.

O concelleiro do PP, Pedro Lado, sinala que ao haber unha liña continua, os vehículos non poden invadir esa zona.

A presidencia explica que tamén hai que efectuar modificacións nas escaleiras dos veciños, que rematan na propia estrada. E coméntalles que a queixa máis recorrente é o perigo que ocasiona o paso dun carro de bebé por esa zona.

A concelleira do BNG, Belén Campos, mostra o desacordo con destinar 142.000,00 €, este ano, para gasto corrente, debido a que están sen executar os saneamento de Vilar de Parada, Insua, Louredo, Maceiras...

A presidencia recórdalle que todos os meses hai que pagar o lixo, a electricidade, nóminas, imprevistos. Ponlle de exemplo outros concellos dos arredores, como Mazaricos, que destina todo a gasto corrente.

A concelleira do BNG, María Pilar Tubío, está de acordo conque eses gastos incrementáronse e solicítalle que presente uns orzamentos, porque se está traballando cos do ano 2019. Así mesmo, alude que a 01/12/2021 estaban sen executar 166.000,00 € de gasto corrente. Insiste en que a electricidade, lixo... incrementaron e iso implica que é necesario a aprobación duns presupostos.

A presidencia explícalle que o Concello precisa liquidez.

A concelleira incide en que é necesario un novo orzamento para determinar os gastos reais, que se viron incrementados dende o 2019.

A presidencia insiste na necesidade de obter liquidez para gastos necesarios, como por exemplo, incrementar o presuposto da obra de Caldebarcos para poder ser executada, arredor de 25.000,00 € a maiores.

A concelleira do BNG, Belén Campos, pregúntalle polo proxecto das caravanas de Lariño.

A presidencia indícalle que o Concello está a espera do informe de Patrimonio Natural para licitar a obra.

O concelleiro do BNG, Manuel Souto, quere saber porque está sen rematar o muro do Campo de Lariño e aínda cos pibotes de obra.

A presidencia explícalle que está rematada segundo o proxecto.

Non habendo máis intervencións, polo Presidente sométese a proposta a votación, co seguinte resultado:

Votos a favor: 7 (4 do grupo do PsdeG-PSOE, 3 do grupo PP)

Votos en contra: 0

Abstencións: 3 do grupo BNG

Consecuentemente o presidente declara aprobada a proposta.

4. Aprobación da conta xeral do orzamento 2021

Pola alcaldía infórmase ao pleno da Corporación da seguinte proposta:

Vista a Conta Xeral do exercicio 2021, xunto con toda a súa documentación anexa á mesma, segundo a lexislación vixente.

Visto que a Intervención municipal procedeu a emitir os correspondentes informes en relación á aprobación da Conta Xeral.

Visto que con posterioridade, a Comisión Especial de Contas do Concello en sesión celebrada o 08/06/2022 emitiu o correspondente informe preceptivo en relación á Conta Xeral desta Corporación relativo ao exercicio 2021 en sentido favorable.

Visto que mediante anuncio publicado no Boletín Oficial da Provincia número 112 de data 14/06/2022 a Conta Xeral -xuntamente co expediente tramitado- foron obxecto de exposición ao público durante o prazo de quince días, durante os cales, os interesados puideron presentar reclamacións, reparos ou observacións.

Visto que de conformidade co contido da certificación librada polo Secretario da Corporación, durante o prazo anteriormente expresado non se presentaron alegacións.

Visto o informe da Comisión Especial de Contas, e de conformidade co disposto no artigo 22.2.e) da Lei 7/1985, de 2 de abril, Reguladora das Bases do Réxime Local, propoño ao Pleno da Corporación adoptar o seguinte:

ACORDO

PRIMEIRO.- Aprobar a Conta Xeral do Exercicio 2021, comprendido exclusivamente pola Conta Xeral do propio Concello de Carnota.

SEGUNDO.- Remitir a Conta Xeral aprobada xunto con toda a documentación que a integra á fiscalización do Tribunal de Contas e Consello de Contas de Galicia, tal e como se establece no artigo 212.3 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, e, en cumprimento dos mandatos da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, e demais normativa concordante, ao Ministerio de Facenda e Administracións Públicas.

Non habendo intervencións, polo Presidente sométese a proposta a votación, co seguinte resultado:

Votos a favor: 7 (4 do grupo do PsdeG-PSOE, 3 do grupo PP)

Votos en contra: 0

Abstencións: 3 do grupo do BNG

Consecuentemente o presidente declara aprobada a proposta.

5. Adhesión ao Plan xeral de prevención de riscos e de medidas anti-fraude da Deputación Provincial da Coruña (Plan PREMADECOR)

O Pleno da Deputación Provincial da Coruña, na súa sesión ordinaria celebrada o día 23 de xuño de 2022, aprobou por unanimidade o Plan Xeral de Prevención de Riscos e de Medidas Anti-fraude da Deputación Provincial da Coruña (Plan PREMADECOR) e fixo público o texto íntegro no BOP número 125 de data 04/07/2022.

Visto o dito o texto, propoño ao pleno da corporación o seguinte acordo:

ANEXO C.2: Modelo de acordo e bases para que os concellos e outras entidades locais poidan delegar as funcións de análise de riscos, uso do canle de bo goberno e denuncias, instrución e resolución dos procedementos administrativos de competencia de administración local.

ASUNTO: ADHESIÓN AO PLAN XERAL DE PREVENCIÓN DE RISCOS E MEDIDAS ANTI-FRAUDE DA DEPUTACIÓN DA CORUÑA (PREMADECOR) E DELEGACIÓN DAS FUNCIÓNS DE ANÁLISE DE RISCOS, USO DO CANLE DE BO GOBERNO E DENUNCIAS, INSTRUCIÓN E RESOLUCIÓN DOS PROCEDEMENTOS ADMINISTRATIVOS DE COMPETENCIA DA ADMINISTRACIÓN LOCAL

PRIMEIRO.- Adherirse ao PLAN XERAL DE PREVENCIÓN DE RISCOS E MEDIDAS ANTIFRAUDE DA DEPUTACIÓN DA CORUÑA (PREMADECOR), aprobando todos os seus documentos e formularios.

SEGUNDO.- Delegar na Deputación da Coruña todas as funcións e competencias referidas á aplicación do PREMADECOR: análise previo de riscos, uso do canle de bo goberno e denuncias, instrución e resolución dos procedementos administrativos e sancionadores derivados da aplicación deste Plan, mesmo a competencia para a xestión recadatoria dos ingresos de dereito público resultante. Aceptando as bases aprobadas polo Pleno da Deputación da Coruña, co seguinte contido:

“BASES PARA A DELEGACIÓN DAS FUNCIÓNS DE ANÁLISE DE RISCOS, USO DO CANLE DE BO GOBERNO E DENUNCIAS, INSTRUCIÓN E RESOLUCIÓN DOS PROCEDEMENTOS ADMINISTRATIVOS DE COMPETENCIA DA ADMINISTRACIÓN LOCAL
PRIMEIRA.- Contido da delegación.

1. Unha vez adherido ao PRAMEDECOR, a delegación abranguerá todas as funcións e competencias referidas a aplicación efectiva do Plan en cada un dos proxectos de gasto con financiamento procedente do PRTR da Unión Europea.
2. En cada expediente, a Deputación realizará unha análise previa de riscos, asesorará ao concello na tramitación dos procedementos e incorporación aos mesmos das DACi e de calquera outro documento en relación co control dos fondos procedentes do PRTR da Unión Europea.
3. Na sede electrónica do Concello haberá disposto un enlace co Canle de Bo Goberno e denuncias da Deputación, de xeito que calquera persoa poderá presentar unha denuncia referida a un posible uso ou tramitación irregular dos procedementos administrativos dos expedientes de gastos municipais financiados co PRTR da Unión Europea.
4. A Deputación tramitará os procedementos correctivos e sancionadores que resulten aplicábeis e acordará o reintegro dos fondos indebidamente aplicados, cos xuros de demora correspondentes. Tamén tramitará os procedementos sancionadores, impondo no seu caso as sancións previstas na Lei.
5. As liquidacións resultantes serán aprobadas pola Deputación, entidade que instruirá os procedemento de recadación para o seu cobro, tanto período voluntario como executivo. Para tal efecto, resultarán de aplicación as Bases para a prestación

de servizos tributarios publicadas no Boletín Oficial da Provincia número 209, de 3 de novembro de 2021.

SEGUNDA.- Procedemento para a tramitación da análise de riscos en cada expediente de gasto.

1. Unha vez aprobado polo órgano competente do Concello o proxecto de gasto, no que quede acreditado o compromiso firmes de achega de fondos procedentes do PRTR da Unión europea, o expediente completo, cos informes de secretaría e do órgano interventor municipal, será remitido á Deputación da Coruña a través do SIR, instando a elaboración da análise previa de riscos.
2. Recibido o expediente, o Negociado de control financeiro e auditoría, baixo a supervisión e coa conformidade do órgano interventor, elabora realizará a análise previa de riscos, elaborando o documento correspondente.
3. O traballo realizado será ditaminado polo CADECOR da Deputación, emitíndose informe de conformidade ou instando a emenda das deficiencias advertidas.
4. Unha vez recibido o informe de conformidade do CADECOR, o resultado do traballo realizado, xuntamente coa devolución do expediente, será remitido ao concello deléante para que proceda ao seu informe e aprobación,
5. Do acordo de aprobación, da súa aplicación e das incidencias que poidan xurdir, darase conta a efectos informativos ao CADECOR .

TERCEIRA.- Procedemento de tramitación de denuncias, impulso e tramitación e resolución de procedementos.

1. Unha vez recibida unha denuncia no canle de bo goberno e denuncias, comunicarse de xeito inmediato ao concello interesado, para que poida adoptar as medidas cautelares que estime máis axeitadas. Simultaneamente, o CADECOR procederá á apertura dunhas actuacións previas para coñecer as circunstancias do caso concreto, de conformidade eco disposto no apartado 2.3 do PREMADECOR.
2. Concluídas as actuacións previas, no casos en que procedan os feitos serán comunicados á entidade decisoria ou entidade executora, así como á autoridade responsable. Simultaneamente denunciará os feitos coñecidos ás autoridades públicas competentes.
3. Nos casos en que proceda, a Deputación, a través do Negociado de Control financeiro e auditoría, tramitará os procedementos de reintegro de fondos públicos e, no seu caso, os procedementos sancionadores en materia de subvencións.
4. Os Servizos tributarios da Deputación levarán a cabo os procedementos de recadación, nos termos establecidos nas Bases para a delegación desta función.

Na quenda de intervencións a presidencia explica en que consiste a adhesión e sinala que o concello non dispón de suficientes medios para levalo a cabo.

A concelleira do BNG, María Pilar Tubío, quere saber se a adhesión ao dito plan supón algún custe para o Concello.

A presidencia indícalle que non.

O concelleiro do PP, Elisardo García, di que se trata dunha delegación de competencias do Concello.

O secretario acláralle que se trata. dunha asistencia.

A concelleira do BNG, María Pilar Tubío, fai un inciso para precisar que hai que corrixir a páxina 7 do proxecto, tratado no punto 3, por referirse ao Concello de Cee e non ao Concello de Carnota.

Non habendo máis intervencións, polo Presidente sométese a proposta a votación, co seguinte resultado:

Votos a favor: 10 (4 do grupo do PsdeG-PSOE, 3 do grupo PP e 3 do grupo BNG)

Votos en contra: 0

Abstencións: 0

Consecuentemente o presidente declara aprobada a proposta por unanimidade.

II. PARTE DE CONTROL

1. Dar conta das resolucións do Alcalde desde a última sesión ordinaria.

A Corporación quedou informada das resolucións ditadas polo Alcalde desde a última sesión, que estiveron a disposición dos concelleiros e concelleiras desde a mesma data da convocatoria.

2. Rogos e preguntas.

O alcalde infórmaos que para este Pleno non hai ningunha pregunta efectuada por escrito, quere saber se os grupos queren formular preguntas para contestar no próximo Pleno.

A concelleira do BNG, Belén Campos, formula a seguinte cuestión:

- Xa que se lle ceden locais a entidades privadas, deberían cedérselle tamén aos veciños, como o do Valadiño, Cornido...

A presidencia contesta que todos os veciños que solicitaron o uso dos locais sempre obtiveron o permiso do Concello.

A dita concelleira pregunta especificamente por Cornido.

O alcalde responde que o centro social de Cornido leva case dous anos con cuestións técnicas, como por exemplo trámites ante Catastro, que están en proceso de resolución. Aclara que o Concello precisa realizar diferentes trámites para despois poder cederllo á veciñanza de Cornido.

A concelleira do BNG, Belén Campos, quere saber se o centro do Valadiño ten os mesmos problemas.

A presidencia respóndelle que non e explícalle que o centro xa foi usado polos veciños.

A concelleira insiste en que se lle presta a entidades privadas.

A presidencia responde que se lle deixa a clubs deportivos do concello para prestar servizos do propio concello.

A concelleira do BNG, María Pilar Tubío, aclara que son entidades privadas, e incide en que se é posible cederllos as ditas entidades para prestar servizos, cos que están de acordo, tamén sería posible cederllos aos veciños.

A presidencia responde que hai que resolver cuestións administrativas.

A concelleira do BNG, Belén Campos, quere saber onde se vai colocar o posto de carga de vehículos eléctricos.

O alcalde responde que no lateral do Concello, na parte do salón de actos.

A concelleira do BNG, María Pilar Tubío, quere saber se se vai cobrar.

A presidencia indícalle que hai que regulalo mediante unha ordenanza e ademais o aparello leva un código de barras para cobrar.

A concelleira do BNG, Belén Campos, trasládalle que no Pindo, dende a confraría ata o Rabecho, hai perdas de auga continuas.

A presidencia explica que a concesionaria está ao tanto das incidencias e reparou, que o alcalde teña constancia, seis avarías.

O concelleiro do PP, Pedro Lado, quere saber se existe algún informe de Espina y Delfín, sobre a situación do saneamento e bombeos debaixo da Praza do Pindo. Explica que algún veciño quere denunciar a situación polos vertidos.

O alcalde aclara que se se produce algún vertido, non é provocado polos bombeos existentes na praza, senón porque algún veciño verte directamente ao río, e de alí vai ao mar.

O concelleiro do PP explica que hai unha tubaxe vella rompida. O alcalde interrómpeo para dicirlle que se selou. O concelleiro advirte de que hai igualmente algún problema porque seguen existindo vertidos.

A concelleira do BNG, María Pilar Tubío, acláralle que os vertidos proceden de vivendas, que verten onde non se debe. A presidencia confirma a resposta da concelleira do BNG.

Os concelleiros entran nun debate sobre a situación do saneamento no Pindo.

O concelleiro do PP, Pedro Lado, pregúntalle ao alcalde se está rematado o saneamento na Praza.

O alcalde explícalle que hai unha serie de vivendas que non están conectadas e se lle requiriu que se conectasen.

O concelleiro do PP, Pedro Lado, especifica que ata a casa de "Atán" o saneamento non está rematado.

A concelleira do BNG, María Pilar Tubío, indícalle que está rematado e que se lle requiriu por escrito a todos os veciños para que se conectasen, cando foi da denuncia. Así mesmo, sinala que só un veciño se achegou ao concello para preocuparse pola situación.

O concelleiro do PP, Pedro Lado, incide en que o saneamento está sen rematar, aclara que non lle chega a unhas seis casas.

O alcalde explícalle que a concesionaria deulle un presuposto para enganchar as vivendas que faltan, que deben asumir os veciños.

O concelleiro do PP, Pedro Lado, quere saber quen ten os planos do saneamento.

O alcalde respóndelle que os ten Espina e o Concello dispón dos proxectos das obras que se executaron.

O dito concelleiro insiste en saber ata onde chega o saneamento.

Os concelleiros continúan debatendo sobre a posibilidade de enganche ao saneamento das vivendas que faltan por enganchar na Praza do Pindo e da responsabilidade dos veciños por non facelo. O concelleiro do PP, Pedro Lado, insiste en que falta un tramo de saneamento por executarse.

Non habendo máis asuntos que tratar, o presidente levanta a sesión, dándose por rematado o acto ás vinte horas e trinta e un minutos do día anteriormente expresado, estendéndose a presente acta. De todo o que, como secretario, dou fe.

O secretario, José Luis Veiga Sierra

O alcalde, Juan Manuel Saborido Rama